



Izjava civilnog društva na 39. Sjednici Komiteta za svjetsku baštinu

- O učešću civilnog društva -

Bon, Njemačka, 28. Jun – 8. Jul 2015.

Organizacije civilnog društva koje su učestvovala na konferenciji “Svjetska baština UNESCO-a i uloga civilnog društva”, koju je organizovao World Heritage Watch 26-27. Juna 2015., cijene što su imale priliku da prisustvuju 39. Sjednici Komiteta za svjetsku baštinu i zahvaljuju Vladi Njemačke koja ih je ugostila.

Širićemo dokument sa rezultatima konferencije, koji poziva na niz akcija koje se odnose kako na kulturnu tako i prirodnu Svjetsku baštinu. Želimo da iskoristimo ovu priliku da skrenemo pažnju Komiteta na ključno pitanje o kome smo saglasni i koje zahtijeva hitno djelovanje.

Posvećeni smo Konvenciji o svjetskoj baštini kao globalnom okviru za utvrđivanje i očuvanje jedinstvene kulturne i prirodne baštine naše planete koja ima izuzetnu univerzalnu vrijednost za buduće generacije. Konvencija štiti najkulturnije i najpoznatije lokalitete u svijetu u korist svih ljudi. Hiljade pojedinaca/ki, lokalnih zajednica, nevladinih i drugih organizacija civilnog društva, kao i autohtono stanovništvo svakodnevno rade kao profesionalci i volonteri na identifikovanju, promociji, očuvanju i restauraciji ovih dobara. Svake godine sakupimo hiljade miliona dolara za pojedinačna dobra Svjetske baštine i pomažemo nacionalnim vlastima u ispunjavanju njihovih obaveza koje proizilaze iz Konvencije. Time se stvara mogućnost za međusobno koristan odnos koji želimo dalje da razvijamo.

Posvećeni smo zajedničkom radu na jačanju naše povezanosti sa članovima Komiteta za svjetsku baštinu, država potpisnica Konvencije, Centra za svjetsku baštinu UNESCO-a i savjetodavnih tijela u cilju rješavanja nedostatka sistematskog i strukturiranog dijaloga i uključivanja u tijela Konvencije, posebno Komiteta za svjetsku baštinu. Pozdravljamo razgovor o ovom pitanju koji je pokrenuo generalni direktor UNESCO-a u okviru dokumenta “Konvencija o svjetskoj baštini: Razmišljanje unaprijed” (WHC-15/39.COM/5C). Vrijeme je da Komitet da civilnom društvu formalnu ulogu u procesu Konvencije, u duhu otvorenog dijaloga i saradnje, jačajući tako naš međusobno koristan odnos.

Stoga pozivamo Komitet za svjetsku baštinu da prepozna doprinos organizacija civilnog društva dobrom upravljanju Konvencijom i da podrži inicijativu civilnog društva da se konferencija organizacija civilnog društva održava prije godišnjeg zasjedanja Komiteta za svjetsku baštinu i da se njihovi rezultati predstave na sastancima Komiteta. Apelujemo na Komitet za svjetsku baštinu da ispita, posredstvom Centra za svjetsku baštinu i u saradnji sa organizacijama civilnog društva, mogućnosti za jačanje učešća civilnog društva u implementaciji Konvencije i da se o tome raspravlja na 40. Sjednici Komiteta za svjetsku baštinu koja će se održati 2016. godine.

Kao organizacije civilnog društva koje rade na zaštiti kulturne i prirodne Svjetske baštine spremne smo da pomognemo Sekretarijatu, državama potpisnica, savjetodavnim tijelima i Komitetu u ovom procesu.

Bon, 27. jun 2015.

Stephen Doemke
Predsjedavajući, World Heritage Watch
U ime učesnika/ca konferencije